


B. N. C.  
FIRENZE

1144

17

1144. 17




A

1900, 7

B. 7.

20 D. 3



4445

17

C V M V L V S


BONORVM VRBIS RVRISQ.  
IN QVO LONGE MAX. AC NECESS.

VRBEM RVRI ANTEPONENDAM ESSE  
CONCLVDITVR.

QVID QVID IN CONTRARIVM SCRIPSERIT  
Albertus Lollius, Blanchinus Veronensis, & alij.

AVTORE ANTONIO  
SIMONIO FLORENTINO I.V.D.

medicea manu




stat salus.

VENETIIS,

Apud Guerræos fratres. M. D. CI.





CVMVLVS

BONORVM VRBS RARISQ.

IN QVO LONGE MAXIMO NECISS.

VERE SVB REGIMINE REG.


CONCLVIT.

QVOD QVOD IN CONTRARIUM SCRIPSERIT

Albertus Collus, Blanchinus Veronensis, & alij.

AVTORE ANTONIO

SIMONIO FLORENTINO LVD.




Est 1602



Academia Regia

VENETIS.

Apud Gualteros fratres. M. D. CI.





SEREN. COSMO MEDICEO  
MAGNO HAETRVRIAE  
PRINCIPI.

ANTONIVS SIMONIVS  
OD. PI. FLORENTINVS L. V. D.



O GITANTI mihi quam no-  
biscum pleclare egerit Deus  
Optimus Maximus, qui ho-  
minum mentem primis illis  
temporibus pene duram, &  
agrestem diuino afflatu con-

citauerit, vt Vrbes conderent, vitamque no-  
stram ad certam rationis legem, normam,  
& regulam dirigerent, ferenda nullo modo  
visa sunt, quæ multa nimis ingenio fîsus  
Blanchinus vir quidem mihi summa familia

ritate coniunctus (vibes fere contemnendo)  
de Ruris laudibus collegit. Nō, quod animi  
caussa Rus amœnum, et suburbanum modi-  
co temporis spacio adendum negem: sed,  
quod Ciuitatem præcipue ingenuis incolen-  
dam putem, in qua ingenij vires exercentur,  
disciplinæ discuntur; animi nostri doctrina  
& religione excoluntur: & omnia deniq; bo-  
na, vt vere homine digna, virtus, honestas,  
pietas inueniuntur. Itaque pauca ego aduer-  
sus ipsius opinionem in medium afferre con-  
stitui, quibus, lucē clariùs ipsius sententiam  
non recipiendam patefacio. Cum autem ra-  
tionum mearum iudices prudentes, & sa-  
pientes viros semper & libenter mihi con-  
stituerim, has ego rationes amicorum præ-  
cibus imprimendas non recusavi. Sed  
quoniam peruetus est consuetudo, quæ  
in dies apud viros probatos inualefcit, vt qui  
studiosi bonarum artium suas lucubratio-  
nes in manus hominū emittere statuant, ij si  
bi Principem aliquem, & primarium virum  
eligant, vt præteritis annis mihi feliciter suc-  
cessit sub clypeo Illustrissimæ ac Reuerendissi-

mi Caroli Antoni Putei Arcipiscopi Pisani  
 e in quibusdam theorematibus in lucem  
 productis, ac publico in gymnasio Pisano di  
 spūtatīs, cui tamquam optimo tutori hone  
 stos labores dedicent, Tibi vni Optime Prin  
 ceptas has meas vigilas existimaui consecran  
 das; Nam de vrbium dignitate verba factu  
 rus, cum ego a Deo Opt. Max. patriam sim  
 sortitus eamq; ciuitatem, quam omnium esse  
 pulcherrimam nemo non libenter affirmet,  
 eandemq; bonis oībus: cohonestatā, & deco  
 ratam, Principē mihi illum esse deligendum  
 ratio est me hortata, qui patriæ meę habe  
 nas moderatur; qui Elōrentissimo Imperio  
 dominatur; qui virtute, & animi magnitudi  
 ne a nemine superatur; qui ex illa familia or  
 tus est; ex qua tamquam ex equo Troiano,  
 vt est in prouerbio, ciues, et viri emanarunt  
 præstantissimi, magni Heroes, summi Pōtifi  
 ces, maximi Duces, sæmineq; lētissimæ, quæ  
 maxima Regna obtinuerunt, & prudentissi  
 me gubernarunt. Videō mihi late campum  
 aperiri, in quo laudes cum vrbis, ciuiumq;  
 meorum, tum familiæ Medic. excurrerem.

Verum hoc munus alio tempore mihi peragendum referuo. Silentio tamen præterire non possum, quæ multa cōmoda: quas vtilitates, quas dignitates, quæ tandem emolumenta nostræ Reipub. Cosmus ille magnus Hætruriæ Dux attulerit (cuius nomine tibi imposito gaudemus) Is enim fatali quasi necessitate à Deo fuit electus, qui animos ardentes, cordaque iris cumulantia pacaret, & quasi animorum Medicus sanaret, ac ex dissensione, & odio, amorem & pietatem gigneret. Seq; vere Cosmum, idest ornamentum esse declararet, urbem enim & Orbem sua virtute ornavit, & decoravit. Nunc floret Florentia: Nunc pæce, & libertate fruitur: exciuium enim cætu habet nobilissimos, prudentissimos, ac maximos Duces, qui eam ab exterarum gentium libidine tueantur: Nunc animi verâ obtinet tranquillitatem, & quietem: Habet enim Principem, & Ducem, qui die, nocteq; animi vigilantia Reip. commodis, vtilitati, ac dignitati fauet, & studet: Nunc unusquisque suam vicem experitur iucundam, lætam, felicem, & bea-

tam

tam : quis enim est diuitijs , vel auctoritate  
 exultans , qui pauperes inique paruifacere ,  
 & contemnere audeat ? quis tanta paupertate  
 vexatus , qui potentiorum iniuriam formi-  
 det ? Adest Pater tuus Hætruriæ Dux Maxi-  
 mus FERDINANDVS , cuius nomen ( si  
 græcam interpretationem recipere veli-  
 mus ) ferre quæ fieri possint , significare vide-  
 tur : quam significationem si cognomento  
 addas dicemus FERDINANDVM MEDICEVM  
 omnia quæ mentis acie possint excogitari  
 medicamenta Ciuitati attulisse . Cum igitur  
 FLORENTIA mihi sit Patria , quæ quidem  
 vita ipsa bonis viris carior esse debet , cui  
 meorum studiorum fructus potius dica-  
 rem quam tibi habui neminem . Natura  
 enim : Tuæ familiæ splendor : FERDINANDI  
 Patris tui iustitia , & prudentia , qua tantum  
 regit imperium : quæ iam in te lucet paterna  
 ac auita uirtus : mea tandem pietas in Patriā ,  
 obseruantiaq ; & fides in Principes meos non  
 patitur , mearum lucubrationum alium me  
 tutorē sperare , vel optare : quod , quamuis  
 exul , & uagus tres iam annos in alienis errē  
 Ciui-



Ciuitatibus magno Patriæ desiderio, vbi-  
cumque tamen sim, me tibi, & Patri addi-  
ctum, deditum & obstrictum, & lege, & vo-  
luntate in omnibus actionibus meis cunctis  
ego declarabo hominibus. Speroq; tandem  
tua, & Patris pietate, me tibi, & Patriæ ali-  
quando restitutum iri; vt possim vna cum  
Patruo meo Dominico Simonio nunc (Col-  
lateralis tui Seren. Patris (cuius fidem Domi,  
& Militiæ iam diu perspicere, & cognosce-  
re potuisti) quā profiteor animi propensam  
voluntatem Principibus meis re ipsa præsta-  
re, & declarare. Læto igitur animo (Sere-  
nissime Princeps) munusculum hoc accipias  
paruum illud quidem, sed magni animi, ma-  
ximæq; fidei testimonium! Vale (Optime  
Princeps) meq; eorum numero & loco ha-  
beto, qui te uere diligant, & ament; & ex  
animo colant & obseruent.

non solum eorum in te habet & patriam deo  
sua omnia munera in te habet, autem  
autem, hoc: utque deo, utque deo  
etque deo, utque deo, utque deo



VRBIS RVRI PRAELATIO  
CONTRA MVLTORVM  
SENTENTIAM.

AVTORE ANTONIO  
FIMONIO FLORENTINO I.V.D.



REQVENTISSIME ab eruditis viris audiui, quale est telum, tale esse & scutum: quod quidem ad prudentiam pertinere non dubito: admonemur enim nō plus in aliqua re operæ, studiique collocare, nec minus quam ipsius grauitas, vel exiguitas postulet. Vt medendi artis periti facere consueuerunt, qui pro morbi magnitudine medicamenti modum metiuntur, & milites, qui non ingens telum fragili scuto, neque ingenti scuto fragile, imbecillumque telum repellent. Hunc prudentię modum mihi con alijs in rebus semper, tum in hac præcipue diligenter seruandum duxi. Nunc igitur quoniam tantam verborum vim, tantum sententiarum pondus,

B tot



## 2 Urbis Ruri prælatio

tot autoritatum, exemplorum, argumentorumq;  
 tormenta contorquet Blanchinus, ut non animū  
 modo meum, sed ipsas etiam munitissimas Vr-  
 bes expugnare velle videatur. Ad ea propulsanda,  
 mihi etiam firmiora, & multo plura sunt com-  
 paranda subsidia: In quo illud in primis te etiam,  
 atq; etiam rogo, obtestorque (mi Blanchine) ca-  
 ue suspiceris, me id, vel obfirmati animi culpa,  
 uel amicitiae nostrae obliuione, vel aliam quamli-  
 bet ob- causam minus liberalem fecisse; quam-  
 quam de hoc alio loco dicam, & ita dicam, ut &  
 amicitiae legibus, & amori erga me tuo non vul-  
 gari, neq; communi satisfecisse videar. Sed quæso  
 per benignitatem, humanitatemque naturæ tuæ,  
 suspende tantisper quodlibet iudicium, animoq;  
 velut in æqua lance constituto, neutram in- par-  
 tem propendas, dum uniuerſa perlegeris; nam ne  
 que legis, & iura patiuntur incognita causa ferri  
 sententiam. Vnde autem orationis meæ exordiū  
 ducam potius; quam ex eo ipso, quo tu iacis, tam-  
 quam firmissimum tuæ disputationis fundamen-  
 tum? Ocium dicebas, & solitudinem plurimi fa-  
 cienda, illud videlicet ocium, quod negotio non  
 careret, eamq; solitudinem, quæ sola non esset:

## Vrbis Ruri prælatio. 3

hoc quidem verum esse quis ambigat? & ita verum, ut luce meridiana sit clarius? Quod autem inde colligebas hominibus propterea Rus esse veniendum, quod ibi potissimum hoc ocio negotioso, hac solitudine non sola frui potuissent, probare nulla ratione possum: verissimum quippe mihi videtur illud, quod in proverbiū abiit: non loco homines effici, sed ab hominibus locum. Dicam planius: Ne putes omnes tunc minus esse ociosos, cum à rebus gerendis cessant, tunc minus solos, cum à cætibus, & celebritatibus absunt, & propterea laudandum esse Scipionem illum, qui primus fuit Africani cognomento decoratus, dum dicere solitus esset, se minus ociosum esse, cum erat ociosus, tum minus solum, cum erat solus: Nam cum forensibus, bellicisque negotiis non premebatur, cum à salutantium turbis liber, & expeditus erat, cum à populi frequentia remotus, tum animum iucundissima rerum maximarum contemplatione pascebat, quo fiebat, ut negotiis uacuus, ociosus non esset, & in solitudine honestissimarum cogitationum comitatu circumseptus, solus esse non posset, atq; proinde ipsemet diceret, negotioso hoc ocio, frequenti hac solitu-

#### 4 Urbis Ruri prælatio.

dine frui melius, quam Ruri non possum: Nam respondeo, nos non omnes esse Scipiones; sed alij cum non destinentur negotiis, turpi ocio, ac languore marcescunt, (quod nihil a te scio significari, cum turpissimum sit, & homine prorsus indignum) alii vero uel inanum rerum agitatione distracti, uel perturbationibus animi turbulentis agitati, etiam si in solitudine uersentur, nunquam soli sunt putandi; cōtra uero, qui fluxarum rerum curis abscessis, animo ad placida facinora conuerso, cupiditatumq; curis amotis mentem sedatam habeant, atque tranquillam, etiam si dies, & noctes agitent semper, ociosi sunt putandi, & quamquam in frequentissimo uersentur populo, solitarii. Neque meum id commentum, figmentumue putes. Docet ille celeberrimus Pontifex, qui nunquam satis, uel ob doctrinæ, & eloquentiæ excellentiam, uel ob uitæ sanctimoniam, plurimasq; virtutes laudabitur Gregorius Magnus, qui de iis disputans, qui studio quietis ducti in solos se, desertosq; locos abdunt, minime eos in solitudine morari affirmat, si uel longissime ab omni hominum separati commercio, quid in Urbibus agatur, quæ noua sint animo secum reputent, atq; disqui-

tant;

## Vrbis Ruri prælatio. §

rant; quin illos, & esse, & habendos esse solitarios, qui in urbanis tumultibus constituti, nihil de iis laborantes, mente in una cælestium rerum contemplatione defixa, solitudinem in animo tueantur: quod cum ita sit, quid est cur ego isto negotioso ocio inter negotiorum multitudinem frui non possim? quid est cur ego intra Vrbis menia inter perstreptentium turbarum cætus in solitudine esse non possim? Si possunt ociosi esse non ociosi, & longe ab humana consuetudine positi, nihilominus in Vrbe uersari, ipse sibi homo turba est, cum tumultuantium perturbationum turba concitatur: Ipse sibi solitudo, con aditu inutilibus curis occluso, solum animum in una nobilium rerum meditatione custodit. Et quoniam tuis in rationibus id pluribus in locis attingis, quippe cum maximus in eo pondus, momentumq; constituas; nolo omittere quod magnus ille multis nominibus Basilii ad Gregorium æque uirtutibus, atq; diuinarum, humanarumq; rerum peritia insignè scribens, eadem omnino de re memoriæ tradidit. Ego uero, inquit, quæ quidem facio in hac solitudine noctes, & dies scribere erubesco; Nam reliqui quidem in Vrbe occupationes tanquam sex-

## 6 Urbis Ruri prælatio.

centorum malorum causas, me autem ipsum relinquare nondum potui, sed similis iis sum, qui propter nauigandi inexperiencem in mari nausea afficiuntur, qui magnitudine nauigii offenduntur tanquam multam iactationem præbentem, & inde in lembum, aut acatium transcentes, ubiq; nausea afficiuntur; transgreditur enim cū eis molestia, & bilis; tale igitur, & nostrum; Nam domesticas perturbationes circumferentes, ubiq; cum similibus tumultibus sumus: itaq; nihil magnum hac solitudine lucrati sumus. Ecce tibi duorum sanctitate, & doctrina insignium uirorum testimonia, qui neq; per uirtutē voluisse, neq; per eruditionem potuisse mentiri uidentur. At rusticari honestissimum est, non nego; sed honestius longe esse in Urbibus uerari, ne tu quidem negabis. Ruris amantissimi complures fuerunt, & maximū uiri, At Urbium plurimi. Gyges Lydoium Rex rerum omnium abundantia circumfluebat, fertilissimum habebat Regnum, & maximum, magnas peditum copias, turmas equitum quamplurimas, ornatissimas classes, redditus, & uectigalia propemodum infinita, regias ædes, magnum famulorum numerū, & ea omnia, quæ falso a mor-

## Vrbis Ruri prelatio. 7

talibus appetuntur ut summum bonum; ita ut beatiorem se in humani generis societate crederet esse neminem, atque ut hoc planius appareret Apollinem superbia, atque timore elatus de hoc ipso consuleret, potius, ut sua opinio Oraculi confirmaretur testimonio, quam se vincti à quopiā posse beatitudine arbitraretur. Tunc ecce ibi ab Oraculo responsum, Aglaum Psophidium multo esse Gyge beatiorem. Erat Aglaus iam de uexæ ætatis, in Arcadia rusticus, exigui soli dominus idem, & cultor, nunquam angustos eius fines egressus, uix hominem quemquam noscens. Et ex hoc infero tu ab Oraculi testimonio confirmatam reddis sententiam, priorem esse vitam, beatioremque Urbana rusticana nam; neque uides eo tendere illa uerba Oraculi, ut per ea comprehenderet Gyges falso sibi assumpsisse nomen beati, cū esset Aglaus in suis finibus contentus, ac propterea beator, neque aliora appeteret, ut Gyges. Sed hæc mitto, quoniam, ne tu quidem illud ais honestius Vrbe Rurē esse; sed tantum honestum, quod sit summo rum, virorum aliquādo præsentia cohonestatum: ad illa festinat oratio mea, in quibus plus esse negocii uidetur, cum in ijs non conferas modo cū



## 8 Urbis Ruri prælatio.

Urbe, sed illi longe anteponas. Dicebas multas afferri Rure opportunitates, uel ad corporis ualitudinem, & uirium firmitatem, uel ad multarum rerum cognitionem, uel denique ad pietatem, & sanctimoniam uitæ. De robore primum, & uiribus nihil aliud dicam; quoniam hæc alios fortasse omnes potius, quam mei causa promouent; nosti enim naturæ imbecillitatem meam, nosti uirium infirmitatem, neq; illud ignoras uires animi a sapientibus magni fieri, quibus beatis mentibus Deoque similes efficiuntur, & aliis præstamus hominibus, non eas corporis quibus superamur a bestiis, iumentisque, & laudem si quā merentur, eam non nobis, sed tribuendam esse naturæ; neq; ausim negare, si urbanum hominē urbaniter educatum, tibus enutritum delicatis, mollibus assuetum recubere lectis, honesto uestitu indui, umbris à Sole, & parietibus defensum, cum præduro rustico, horrido, & hirsuto, herbis, pomis, uel pane furfureo famem frigida uel aceto sitim repellere solito nuda humo, & sub dio somnum capere, assiduam, aut uomitis, aut ligonis tractatione corroborato, ipsius solis ardore exusto, longe esse postponendum. Si qui unquam Rus adiere, id fuit ad breuis

## Urbis Ruri prælatio. 99

commorationem temporis, sedes quidam fixas in Urbibus habuere; & in iis totam traduxerunt ætatem. Sed hæc mitto; & aliquid de ualitudine. Apertum credo Cælum, ambulationes matutinas latissimos iuxta, atq; lætissimos agrorum prospectus, putas plurimum ad ualitudinem ualere: ita sane; sed non est apertum Cælum in Urbibus? quorum plerasq; editis in locis, ac summis montibus uidemus esse constructas? At officiunt ædificia: quis prohibet extra Portam exire? quis prohibet sub matutinum tempus deambulare? quis prohibet amplissimos campos ex ipsis Urbibus spectare? In his tu te dilatabas, in his tua exultare, & triumphare uidebatur oratio, quoniam ad rem tuam faciebat: At illud cur silentio inuoluebas, multos ob nimium aeris haustum, ob nimiam corporis defatigationem, ob immoderatam pomorum comestionem, periculosissimos sæpiissime morbos contrahere: sed esto. An propterea minus uidit in consilio dando Appius ille, quod oculorum lumine caretet? an a scribendis uersibus Horatium, lippitudo? an Plotinū ex Platonis familia philosophorum celebrem, facer morbus a rerum peruestigatione retardauit? an deniq; ab honestis, pijsq; actio-



## 10 Urbis Ruri prælatio.

nibus Benjamin? cum, quem ad annum octuogefimum, usq; desertis in locis uitā protraxisse accipimus; hidropisis reuocauit? quem morbum ita philosophus Eraclētus cōtemplit, vt quemadmodum author est in eius uita Lærtius, uti medicorū opera nunquam uoluerit. Hæc eo attigi, quo intelligas; bonam corporis ualitudinem amandam esse, si adsit, & conseruandā; sin minus adsit, cum uera bona nihil impediat, non esse tantopere eorum periculo requirendā. quam obrem minus illud; si recte inspicias, ualitudinis argumentum firmenti habere debet, ipso fundamēto sublaro. Sed quid ago? quasi uero murorum ambitu exclusa ualitudo in agris modo uersetur, & syluis. est etiam, est intra mæniorum septa salus. Nō horret omnino hominum conuentus Esculapius; habuit ipse etiam in Urbibus templā, cum alibi multa; tum Romæ præsertim in Insula Tiberina; q̃ templum Romæ quam libenter incoleret, aperte indicauit, cū inde usq; ab Vrbe Peloponesi Epidaurō, ubi præcipuis celebrabatur honoribus, & quæ sua ipsius patria putabatur, uenire non recusauit. Nec solum Esculapius, uerum eius pater Apollo templis gaudet frequentibus in locis, & nobilibus

## Vrbis Ruri prælatio. 11

extractis. Testantur hoc, cum innumerabilia alia  
loca, tum maxime unde ipse cognomentum tra-  
xit, Delphos. Et ubi modum semper æqualem, &  
præscriptum certis legibus uitæ rationem facilius  
seruare possis? nam illud mitto, etiam salubrius es-  
se. Cælum in frequentibus, cultisq; locis, quam in  
desertis, & solis. quid est simplex? quid apertum?  
quid certum, & uerum? quid non a libidine, & pe-  
tulantia turpiter inquinatum? atq; hæc uitia non  
tam ex animis hominum, quam ex ipsa uitæ ratio-  
ne proficiscuntur. Nam, cum molis per se sit, cum  
tota sit desidia, inertiæ, atq; languori dedita, inde  
in cætera uitia facillime prolabitur; cum desidia, &  
vitium ipsa sit, & uitiorum omnium cum parens,  
tum nutrix. Sed plura fortasse, quam res, & perspi-  
cua, & non ita magni ponderis exigebat. Iam ad  
grauiora. In montibus apud amnes, apud fontes  
Musæ: at Apollo Delphi, at Pallas Athenis, at Mer-  
curius in Urbibus: Sed mittamus fabulas, relinqua-  
mus etiã antiquos, circumspecte nostrum seculum  
hodie iuuenes, & dicendi cupidi ab Urbibus in syl-  
uas, & agros amandantur, an ab agris, pagisq; in  
celeberrimas quasq; Urbes mittuntur? cur tam no-  
bilis Parisiorum Lutetia, tam celebris Bononia, tā

## 12 Urbis Ruri prælatio.

inditum Patauium, si studia Ruri uigent? credo equidem, belluæ, iumenta, armenta, auiculæ uel docent, uel discunt. Si nodus inter legendum, si ambiguitas inter speculandum occurrat, consules opinor uillicum: si de rebus præclaris miscere sermonem uelis, conuenies inquilinos, aut subulcos. Negabis: at id genus hominum est Ruri. Vbi Oratores uerborum copia, & elegantia sententiarum pondere, & grauitate admirandi: in Vrbe, ubi Poetæ mira carminum suauitate iucundissimi: in Vrbe, ubi philosophi, siue ij, qui in rebus naturæ peruestigandis tori uersantur, siue ij, qui ad leges perquirendas se conferunt, & de uirtutibus, & vitijs disputant: in Vrbe, ubi sacri Theologi, qui res omnes animo, & cogitatione superexcellentes, ipsaq; Lunam, & Solem, & reliqua omnia transmittentes, ad ipsius summi boni indagationē, & diuinæ naturæ, beatarumq; mentium dulcissimam iuxta ac nobilissimam considerationē se se conuertunt: in Vrbe, ubi denique omnium bonarum artium magistri: in Vrbe, quid ergo Ruri? rusticitas, ut in Vrbe urbanitas. Ruri, id est inter belluas immanitas: in Vrbe inter homines humanitas. In Vrbe gymnasia optime instructa, eruditæ concertatio

## Vrbis Ruri prælatio. 13

nes, libri omnium generum quamplurimi, instructissima bibliotheca. Ruri uomeres, aratra, rastra, ligones, & omnium additamentum bonorum bestiarum, ut uerum sit antiquorum prouerbum quod a Simonide sumptum, refert Plutarchus.

Vrbs hominem docet. Pater eloquentiæ multa monumēta edidit Ruri; nimirum cum esse in Vrbe non posset, cum expelleretur, cum ut ipse ait, Senatus esset pene sublatus, iudicia extincta, ex quo ipso quanti Urbem faceret intelligere debemus, cum ad ipsius desiderium leniendum appulisse animum ad scribendi officium, ipse fateatur. Ruffum quidem idem ipse hortatur, ut Urbem quanto fieri possit, colat. Epicurus in hortis docebat: at ubi doceat uoluptarius philosophus? ubi de umbrarum amenitate nisi sub umbra? de uario olerum sapore, nisi inter olera? de delitijs, nisi delitiosis in locis disputet? Audi quæ essent Epicuri dogmata, quæ à Satyrico Poeta per irrisionem recensentur; ut iam mireris non ea in culina potius docuisse.

Longa quibus facies ouis erit illa memento,

Ut succi melioris, & ut magis alba rotundis

Ponere: namque mare cohibent callosa uitellum

Gaulæ sub Urbano, qui siccis creuit in agris

Dulcior:

# 14 Urbis Ruri prælatio.

Dulcior: irriguo nihil est elucius horto.  
 Si uespertinus subito te oppresserit hospes,  
 Ne gallina malum responset dura palato  
 Doctus eris uiuam misto uersare falerno,  
 Hoc tenerâ faciet; prætensibus optima fungis  
 Natura est, alijs male creditur; ille salubres  
 Aestates peraget, qui nigris prandia moris  
 Finiet, ante grauem quæ legerit arbore solem.  
 Hæc, & id generis alia, num sub Porticu Stoicorû,  
 num i gymnasij in Lyceo, aut Academia tractê  
 ut inam eius essemus naturæ, ut ab inspectione re-  
 rum omnium ad cælestium contemplationem ra-  
 peremur. Utinam uteremur nos creaturis ad eum  
 finem, p quem nobis datæ fuerunt, & earum ope-  
 ra cognosceremus, ut decens est, totius uniuersi  
 Compilatores. Sed heu quot sunt, qui hanc po-  
 tius momentaneam uitam, quâ cælestem, ac æter-  
 nam optant, diligantq;. Quis liber, & a negotiis ex-  
 peditus, turpi ocio se totum non tradit? quis est,  
 qui ab umbris effæminatus, a uoluptatibus ener-  
 patus, & sub falsæ quietis ab exercitijs ciuilibus de-  
 uiatus in putidam non incurrat ignauiam? sex-  
 centa sunt ad flagitia incitamenta: ad honesta-  
 tē, ad uirtutem, uel nulla, uel uix ulla. Haud sine

## Vrbis Ruri prælatio. 15

maxima causa ingeniorissimus Poeta ille, admon-  
nebat nos, ut fugeremus solitudinem; optime. n.  
noscebat ipse, nullum scelus esse tam graue, quod  
homo infelix, naturæq; corruptio, cū hac solitudi-  
ne euitare posset. Et natura nostra infirma, & cadu-  
ca sēper in deteriora procliuis, nisi plurimo fulci-  
catur adminiculo serpit humi, & nisi diligēti ope-  
ra excolatur, syluescit. Neq; aliter quam equo, ni-  
si sit, qui regat, & frenis eum modo coerceat, mo-  
do calcaribus stimulet, aut non progreditur, aut  
præceps in omnia vicia ruit. In Urbibus sexcenti  
sunt, qui pijs colloquijs, & viam ad virtutē mon-  
strent rectam, & facilem, & obliquos inuant anfra-  
ctuo, præcipitesq; in vitiorum rupes. In Urbibus  
qui consolari mærentem, subleuare iacentem, co-  
hercere insolentem, tardantem concitare, incitatū  
moderari, corrigere abiectum, tumentem frange-  
re, elatum deprimere possint. Tū in solitudine cō-  
tra, quoniam ob deprauati humani ingenij vitiū,  
quæ nostro in tergo est, manticam non uidemus,  
atq; ex hoc aliena vitia nō videas, vel si videas dis-  
simules; ex quo fit, ut uel ea corrigere nō possis, uel  
nolis. Quid iam ennumerem tantam eximiorum  
concionatorum copiam, qui incenso, & inflam-

mato



## 16 Urbis Ruri prælatio.

matō dicendi generi animos in omnes partes flectunt, ac figunt? & quā lachrymis immanibns ferisq; uel inuitis excutiunt? quā molibus, & effami nātis robur in animo cignunt ad uirtutum exercitamenta, & contra omnia uitiorum incitamenta firmissimum? quā pænarū infernalium timore, à peccatis liberare student, quā concitant ad uirtutem, spe rerum cælestium? quid tot Ecclesiæ optime distinctæ, ac ornatae? quid sacra modulamenta, quæ & nuriunt animum, & auribus satisfaciūt? quid diuinissima illa sacrificia, de quibus unum tantis per omnibus Ruris commoditatibus præferendum esse censeo; addo tot exempla in quibus magna uis est. Ruri. n. licet forsan nullus sit, qui animum ullo modo ellicere possit; At nec ibi sunt, qui æquitati, simplicitati, patientiæ, ac constantiæ exemplum dare possint: Neque eos timere debemus, qui te nolente, nullum tibi damnum afferre possint. Abstineas te à malorum societate, fugias improbos, & bonus eris; foueam cuites, neq; in eā incides; laquea prorumpas, neque illaqueaberis! Nullum opus conficeremus egregium, si pericula nos terrent; mercator non nauigaret, neque seminare rusticus, si ille naufragium facere, iste nihil

## Vrbis Ruri prælatio. 17

colligere timeret. Si pudicitiam, Ruri seruauit. Nypolitus, Ruri amisit Anchises. Vbi Satyri, nisi in syluis? Rure Paris Helenam rapiendam deductus est. In agris famam cum pudore reliquit Dido: neque illud caret consilio, quod maximus orator dū adulterium suo inimico, & hosti Patriæ obijceret, amana in quibus cōmissum fuerat, loca descripsit. An est, qui secessum illud Tiberij, & Caprea nullam ignoret? piget pudetq; referre quibus brotherijs populi Romani Imperator totius terrarum orbis Princeps in senectute secessum illum contaminauit. Adde, quod non animo solum, sed & corpori, & secreta loci perniciem atculere, nō modo haustu aeris immodico, ut supra attrigi, uerum ferro etiam, & externo impetu. quis apud Curtiū non legit inter amantissima illa uemora Mædorū Regum manu confita, Parmenionem Macedonū Ducem, facile Principem iussu Alexandri sublatū fuisse? In flexu illo Caietanijs litoris, quo nullus pulchrior, nullus amantior toto Orbe terrarum est locus tenulenti Sicarij, & Parricidæ imperio, Romanæ, & Vrbis, & eloquentiæ Pater extinctus est. Legescedam, et quinquagesimam Senecæ epistolā lib. 7. ubi præceteris hæc ait effaminat animos



## 18 Vrbis Ruri prælatio.

amænitas, amæna sine dubio, aliquid ad corrup-  
 pendum uigorem potest regio. quid tum? etiam  
 ne plures, & liquidiores dices in Vrbe voluptates  
 non esse, quam Ruri? & præcipue cum Ver è geli-  
 dos, soluit repores, cum Cæli furor æquinoctialis  
 iucûdi Zephiri scilescit auris. Si hæc uera sunt, quid  
 me arguis, cur in Vrbe herere uelim? Simulq; petis  
 quid sit, quod amando mihi in Vrbe tantopere vi-  
 deatur? Præterea per uincula amicitia nostræ, quæ  
 iuxta patentibus amicis numquam negant me co-  
 gis, ut ego Rus veniam, atq; attentius animaduer-  
 ti cuiusmodi sit postulatio tua, quod si minus  
 magnam esse statuero, tum uero te etiam mea indi-  
 gnum familiaritate esse constituam: sin autem, &  
 honestatis plurimum, & utilitatis tantundem, &  
 iucunditatis nihilominus habere prospexero, ni-  
 hil tibi rescribam, attamen ipse ueniam. quibus ra-  
 tionibus consideratis, credidi profecto hic labore  
 esse, hic opus: Tu. n. tam multis, & tam disertus  
 es in rusticanis voluptatibus extollendis, deprime-  
 dis Urbanis, ut magnam tibi Rus gratiam habere  
 debeat, quod talem inuenerit laudum præconem  
 suarum, & illi te possit Vrbs inuidere, ut Achilli  
 Homerum inuidisse magnus ille Macedo fertur.

## Vrbis Ruri prælatio. 19

Sed primum ne quem fallat nominis ambiguitas, quoties uoluptatem dicemus, ut de multis Epicurus reæ familie memoriæ proditum est, qui nudo uerbi sono contenti, nihil distinguentes ea specie in omnes se turpitudines effundebant: breui circumscribendi sunt quidam termini, intra quos huius uocis ocio ita contineatur, ut extracuiuari non possit. Cum triplex igitur mea quidē sententia sit uoluptas, turpis, & bestiarum propria, quæ in rebus fædis, & obscenis est sita, bona, honesta, & liberalis, optimi cuiusq; maxime propria, quæ a rerum maximarum uel contemplatione, uel actione promanat, & media quædam, quæ cum possit esse tum bona, tum mala, perinde est, ut illius animus, qui ea fruitur: qui uti scit, ei bonā, illi, qui non utitur recte mala. De duobus postremo generibus nobis est quæstio, prima illa omnino reiecta, quippe cum imitatrix bonorum sit, Parens, Nutrix, & esca malorum omnium, & maxima quæq; è suo statu mentem maxime dimoueat; neq; profecto ambiguum est inter hæc duo genera priorem illum tenere locum, quod à rebus bonis originem ducens in animo sedem, ac domicilium habet, quæ uoluptate qui fruitur (crede mihi) non requiritur inter ui-

## 20 Urbis Ruri prælatio.

ridem riparum uestitum dulcisono per lucidum  
 riuum trepidante susurfo, non prata varijs florū  
 depicta generibus, non umbras, non auicularum  
 concentus, non alia deniq; quæ extrinsecā sint; sed  
 totus est aptus, & se se in animo suo omnia enume-  
 rat; eoq; suauiora, quo à nobiliori proficiuntur  
 origine, & præstantiori in parte consistit. De his  
 loquitur Plutarcus cum in commentariolo an se-  
 nibus Respublica sit gerenda sic disputat. Sed Rei  
 pub. administratio pulcherrimas habet, maximas  
 que voluptates, quibus aut solis, aut præcipuis frui  
 Deos probabile est: illæ autem sunt, quæ a bonis  
 actionibus, honestisque factis oriuntur. Quippe si  
 victor nobilis Niceas tantum artis suæ lætabatur  
 operibus, ut uelut sui oblitus ex famulis sitaretur  
 subinde an esset usus Balneo, itemq; an esset pran-  
 sus? Si Archimede tabulæ, ac geometricis inten-  
 tum figuris uī abductum, ac uestibus exutum pe-  
 rungebant serui, & ipse in obuncto uentre sche-  
 mata delineabat? Si Canus Tibicem nescire se di-  
 citabat, quantum se ipsum magis, quam alios de-  
 lectaret canens, cum, & mercedis loco duceret q̃  
 audiendi patientiam præstarent? An non aduerti-  
 mus quam uberes, quamq; non vulgares sibi ex

## Virbis Ruri prælatio. 21

uirtute, ac præclaris actionibus uoluptates compa-  
rent præstantes uiri. Interrogatus Epaminondas  
quidnam sibi iucundum maxime accidisset in uis-  
ta respondit quod, parente utroq; superstite, Leu-  
tricam uictoriam retulisset. Et idem Plutarchus lib.  
quo probat, ne ex Epitimi quidem præceptis uiui-  
luauiter posse, multas enumerat singulares ani-  
mi uoluptates, quæ uel ab indagatione ueritatis  
pendent, uel à discendi cupiditate, uel ab oneribus  
publicis, uel à præclaris facinoribus de quibus cū  
breuiter, ac precipue disputasset, in eam iuit sen-  
tentiam, ut talia hos uiros sic appetant, ut, nec si  
ipsi uelint ea cuitate possint. Quid si philosophi  
excellentiissimi bonorum omnium culmen in so-  
le uirtute posuerunt? eamque qui possideret, fir-  
miter tenuerunt, quauis alia re non indigere ad  
bene, beateque uiuendum: quod si maximis re-  
ferrum laboribus, innumerabilibusque periculis  
obnoxiam Urbem esse obijcias, ob ipsam Ruri  
longe præponendam esse cōtendo, cum sciam res  
præclaras annexam habere permistamq; difficul-  
tatem: quæ enim præterea fuit caussa ueteribus  
illis, cur uirtutem in editissimo monte collocarēt,  
nisi, ut eam magnis difficultatibus circumseptam,

## 22 Urbis Ruri prælatio.

& circumuallatam esse indicarent? At quot in Urbe continuo sunt exercendæ uirtutes? an est ubi magis uel fortitudo in periculis audacter adeundis, uel superandis constanter; prudentia in consilijs capiundis, in locis superioribus occupandis, in cauendis hostium insidijs, continentia & moderatio in re bene gesta, in aduersa fortuna est ubi magis patientia, atque constantia eluceat? His igitur sic positis, non talis ego sum, non stultus, aut qui nimium ab amore proprio capiat, ut clari uiri mihi nomen assumere uelim. Sunt Corui albi illi, qui sic à se dependeant, ut exteriori quolibet posthabito auxilio ad beatam uitam ducendam id totum sibi ipsis arrogent. Fœnicibus sunt ratiore, qui in supremo uirtutum culmine ita persistant, ut oculos aliquando ad hæc humiliora non inclinēt: quod quidem, ni fallor, Ruris peculium appellas. Circa hoc, cum multa mihi occurrant, nolo omittere quædam quæ cum ad meam, tum ad tui intolligentiam in hac re prodesse poterunt. Sapiens dum uiuit, non tantum honestæ uitam agit, sed cum summa etiā approbatione omnium, & plausu uiuit, etiam satis gloriæ, satis sapientiæ, satis sibi; non tamen nobis, non humanæ societati satis cum moritur. Et hæc est

## Vrbis Ruri prælatio. 23

est inter sapientum uirorum stultorumque interitum præceteris dissimilitudo: His numquam non matura mors; illis numquam matura contingit; nam quod Publianus de avaris ait. Avarus nisi cum moritur nihil recte facit, & idem opinor licere nobis de stultis omnibus, & prauis asseuerare. Cum. n. quamdiu uiuunt, numquam animum ad honesta traducant, numquam mentem ad egregia facinora conuertant; cumque neque suam neque alienam utilitatem, dignitatemue procurent, uidentur illud unum recte facere, cum moriuntur, quod stultorum numerum imminuunt, multosque quibus si diutius uitam protraxissent, detrimentum attulissent, tutos sua morte, securosque reddunt. Contra uero sapiens, quoniam ex eo apta est multorum utilitas, non potest sine multorum detrimento discedere: ita fit, ut stulti uita breuissima sit, longissima sapientis: Hic quod pluribus prodesse queat, ille paucioribus obesse. quamquam in hoc ipse me corripo; numquam. n. non longissima est sapientis uita, numquam stulti non breuissima ille. n. breue hoc, & exiguum quodcumque natura concessit spacium uitæ, præclaris facinoribus extendit, hic uniuersum tempus ætatis, cum uel in

con-



## 24 *Virbis Ruriprelatio.*

conuiujs, uel inerti sopore, uelludis, uel desidia, & languore consumat, in uiuis numerari uix potest, cum res numquam dignas aggrediatur. Præclare sapiens ille; de uita alicuius iudicat extremus dies, nam summa de mortuis commendatio est, bonorum dolor, & eiusdem accusatio manifesta, bonorum lætitia. Hæc quo spectent quid sibi uelint, qui habet aures intelligendi intelligat. Ad nostram igitur redeundo concertationem, non nego multa esse Ruri delectabilia, multa, quæ, & oculis, & aures delectent. sunt quidem, quia, & nos de his cognitionem habemus, uerum dico uaria esse hominum desideria, suam quemque propriam habere uoluntatem. Castores delectabatur equis, & pugnis, qui ex eodem natus est ouo. Quot homines, tot sententiæ, quæ sola ratione omnes Ruris delitiæ corrumpere debent. At hoc pertinacia potius quam ratione esset disputare, in qua controuersia, quando quod proponitur in se non est indignum, honestius est uinci, quam uincere. Quamobrem animo ad nobiliora argumenta elato, ea in primis tollenda censeo, quæ contra me sic iacis, ut nisi maxima cum difficultate ea enervari posse uideantur. Dicebas conformius esse ad principia humani generis

# Vrbis Ruri prælatio. 25

neris in agris uitam egere, quam in Urbibus: illis enim temporibus ædificia non erant. Hic igitur quia res est maximi momenti, liceat mihi, loqui tecum subtilioribus rationibus quam adhuc fecerim. Communis est philosophorum omnium sententia, ac res de per se patet, naturam operantem à rebus fragilioribus principium capere, & paulatim ad perfectionem perducere, quod tum præcipue in homine clarum est, quolibetque animali, tum in communi toto humanarum rerum genere: Nam quis ignorat maxima illud in rebus ab humanitate ad iustitiam, prudentiam, animum denique pertinentibus incrementa accepisse. Animã quidem rationis expertia subito in suo quoque genere perfecta edidit: nam pilis alia, alia corijs, alia plumis uestiuit, & cornibus, alia spinis contra alienas muniuit iniurias: eadem uim dedit ad cibos capescendos, ad noxia euitanda, completenda salubria. Hominem autem, cum his omnibus destitutum præsidijs, infirmum, & nudum protulisset in lucem, ratione diuino illo, & singulari munere insigniuit, quo sibi per se se, & adiumenta vite, & ornamenta compararet. Hinc quippe ingeniosissime Poetæ finxerunt seculum illud aureum a lo-



## 26 Urbis Ruri prælatio.

ue sublatum, ut uarias usus meditando extunderet artes. Ergo cum à principio in quodam humanū genus esset infantia, non mirum est in agris, syluisque agrestem uitam syluestremq; duxisse. Sed rogo te, quæ erat illa tum uita? non ne prorsus infantia? cum in agris homines passim bestiarum more vagabantur, & sibi ritu ferino uitam propagabant: nondum diuinæ religionis, nondum humani officij ratio colebatur, sed cæca, ac temeraria dominatrix animi cupiditas ad se explendam uiribus corporis abutebatur, perniciosissimis satellitibus. Cū uero adoleuit, & ad quandam rationis quasi maturitatem peruenit, tum uniuersum genus hominum fecit, quod nunc singulis usa uenit, qui cum primum sapere incipiunt, quæ paulo ante, ut præclarissima summo studio amplectebantur ita contemnunt, ut non exiguam capiant ex eorum recordatione modestiam: extiterunt enim magni quidam, & sapientes uiri, qui cum cognouissent, quanta in animis hominum ad res maximas opunitas innesset, si quis eam posset ellicere, & præcipiendo meliorem reddere dispersos in agris homines, & in relictis syluestribus abditos ratione quadam compulerunt unum in locum, & congrega-

unt:

## Vrbis Ruri prælatio. 27

tunt: quem locum, cum domicilij compleuissent, uijs commode distinctum, mænijsq; septum Vrbem dixerunt. Tum etiam cætus hominum certis legibus inter se admitti societate coniunctos constituerunt, qui deinde sunt Ciuitatis nomine appellati. Huius autem egregij, planeq; diuini authoris inuenti tot, tantisq; laudibus celebrantur, ut eos sibi Poetæ uendicent quod & Amphionis, & Orphei, & aliarum fabularum quasi in tegrumentis inuolutum contineri uolunt. Oratores ex altera parte repetunt sibi: ex altera philosophi accerrimè ex suis fuisse contendunt. quamobrem neq; te, nec quemquam tam puto ueracem futurum, quin iure optimo summis ad Cælum laudibus eosdem efferendos esse fateatur, quamquam tu eà ipsa re, qua illi construxerunt Vrbes uelle destruere uidearis, & homines ab agris uel orationis pertractos in Vrbes, ab Urbibus uel orationis reuocare in cāpos, & syluas: quod si laudandi sunt authores certe & quod actum est erit laudabile. Hæc, si luce clario-  
ra sunt, quæro ex te num repuerascere cupias, & pedibus, manibus humi deambulare, uel puero-  
rum more saltare, cursare, clamare, flere, irasci, contendere, equitare in arundine longa, ludere

## 28 Urbis Ruri prælatio.

par impar, & alia eiusdem generis quamplurima: quod si negabis, tum ego te rogabo, ut mihi amplius negotium non facessas, cum Rus incolere nihil aliud sit, quam ad naturæ nostræ infirma reuerteri principia, & quodammodo repuerascere. Prudentiæ enim pars ea mihi uidetur, quæ non ita quidem res omnes ad normam, & rutinam expédât, sed liberior sit aliquanto, non tamen rudis. Et hæc esse illam opinior, quæ ab acutissimo Poeta in rebus, quæ faciunt uitam beatiorē enumerantur. Vitam quæ faciunt, inquit ille, beatiorē iucundissime Martialis hæc sunt. Res non parâ labore, sed relicta, non ingratus ager, focus perennis, prudens simplicitas. Hæc cum ita se habeant, cum uera simplicitas prudentiæ pars sit, ea non ab inconsiderantia oriri potest, sed a uehementi quodam amore, & aperta cognitione rei; ita ut explorata iam, & certa nobis sit eius animus, atq; uoluntas. Sed iam quæ laudis in Vrbe sunt breuiter perstringenda, ea primum omnia quæ tu Ruri: Nam quotiescumq; me in forum Olitorium consero, non instructissimos hortos, non uiridantes agros, non amæna prata desidero: quotiescumq; in forum boarium, non innumerabiles pecudum greges requiro,

## Vrbis Ruri prælatio. 29

requiro, non multitudinem armentorum. Si fructus uenit post uaria cignum anni tempora, hic omnia quæq; & uaria, & plurima promptissima habeo, ut non sint singula, neq; a uarijs agris, neq; arboribus emendicanda. Nihil est enim Ruri præclarum, quod in Urbem tanquam uectigal, quo eam Dominam Rus agnoscit nō conferatur. Quæ præterea tu cum altius euolaueris, ut humilia despicis, atque conculcas, ea mihi, qui adhuc homo sum, & humana non contemno uehementer arri-  
dent. Me etiam totius Urbis conspectus, tanta ædificiorum multitudo, excelsiora alia, alia humilio-  
ra, turres, templa summo opere recreant, mirum etiam in modum ædificijs delector, uel frontispi-  
cium consideres, uel positum, loci uel commodi-  
tatem, uel icnographiam, uetustatem, magnitu-  
dinem, artificium: Equidem fateor, dum atria cō-  
spicio optime ordinata, oblongas regias, simula-  
cra, ac imagines cum pietas, tum scultas, aulae,  
perystomata, argentum, & aurum a fabre factum,  
& infinita similia, non modicam mihi afferunt  
uoluptatem. Dices forsam hæc puerorum esse  
oblectamenta; At ne hominum quidem indigna  
apellari possunt, qui homines in his rebus aspiciē-  
dis

## 30 Urbis Ruri prælatio.

dis, non solum exteriora uident, uerum etiam robur, ac ingenij maiestatem penetrant. Sed nihil ex his in Ciuitate esse arbitreris; credasque etiam nullam esse in theatris relaxationem, nullam in plateis, publicisq; uis, in laqueareis nullam, nullâ que in cæteris nominatam ornamentis voluptatē. Homo præcipuum rerum omnium illud habuit, solitudinem ab eo fugiendam esse, & è contra hominum societatem uehementer amplectendam. Solus fuit Simon, quem antiqui môstrum potius appellarunt, atq; ut tale in eorum scriptis figurarunt authores. At ab hac hominum societate, quod quæso, quantæq; oriuntur utilitates? Hinc amicitia, quibus nihil iucundius, honoratius nihil; nihilque utilius. Hinc inter natos salutationes, muta ta conuiuia sermones, confabulationes, aliæq; quâ plures uenustates. Hinc comunicata consilia, ex quibus res nostræ optimum recipiunt finem: Hinc in consilijs capiundis Iurisprudentiæ excellentissimorum sententia. Hinc peritorum omnium conuentus, atq; concertationes, in quibus totum ingenij thesaurum ostendi potest. Libere fatetur Seneca uirtutis amicus, dum talia uerba dicere solitus esset. Dij si rerum omnium cognitionem mi-

## Urbis Ruri prælatio. 31

hi uellent tribuere eo pacto, ut eam celatam tenerem, recusarem. Et tandem, si natura, ut multis iuuaremus in lucem nos edidit, non ne prospiciamus solitarijs hic locis, non solum nos ipsos alieno; sed nostro etiam alios priuari subsidio? An ullam habet utilitatem gladius in uagina reconditus? inter latebras Aræ uestis inclusa? Rus perinde est ut fax, quam nisi in nocturnis tenebris accendas, & latet ipsa, & tu delitescis obscurus; accensa autem tum tetram Noctis calliginem illustrabit, Urbisq; uiam, tum teinet conspicuum reddet, & se se. Vides tandem nullam esse solitariæ, rusticæque uitæ, neq; tuam, neq; alienam utilitatem. Assume animm tuæ nobilitati, & etiam Vrbi parem. Tecum ipse agites, & perspexeris an ex agris prodierit Alcibiades Themistocles, Myrridates, Annibal? An Rumulo diuinos honores, an Pompeio magni, Fabio maximi, C. Cesari Augusti, an Scipionibus, an aliis uarios titulos, & cognomenta tribuerit Rus. Recentioribus etiam abundamus, nec desunt domestica. Sed in consilijs capiundis potius ueteres imitandi uidentur qui cum adeo corrupti, deprauatiq; animi nondum essent, semper utilib. anteferebant honesta. Itaq; si ad gloriâ contendere

# 32 Urbis Ruri prælatio.

dere exoptas, Urbem, me Aut hore complectere.  
Rus non solum disuaferim tibi, sed ne mortalium  
quidem ulli suaferim: quid enim absurdus; quam  
dum honorem sequeris, turpitudinem omnem su  
bire? Et dum incertam aucuparis gloriam, uilissi  
mum fieri, certissimumq; mancipium? Cæterum  
tibi, nec ætas, nec consilium deest. Vtrum sequen  
dum censeas, utrum relinqueridum, tuum sit iudi  
cium. In Ciuitate poteris, & honeste uiuere, & ui  
tam cum gloria concludere. Ruri non uideo, quin  
possis, uel honeste in agris uitam ducere, uel glo  
riose in umbra finire. quod Urbis proprium est, &  
finis.

**F. V. L. N. I. S.**





11. 11. 11







MC

